



## Publicaziuns officialas dils 08-03-2019

---

### Damondas da baghegiar

Nr. 13/2019

Datum da publicaziun: 08-03-2019

Patrun: Vischnaunca Sumvitg, 7175 Sumvitg

Representant: Biro d'inschignier Deplazes, 7173 Surrein

Liug e parcellas: Igniu; 504

Object: novas portas per baghetg economic

Ils profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

### Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

#### Nr. 12/2019

Mathiuet Samuel e Steiner Judith, 7173 Surrein; nova lingia d'aua per parcellas nr. 1234 e 1245 a Surrein-Plazzas.

#### Nr. 16/2019

Bundi Martin, 7175 Sumvitg; ulivar e segirar terren sin parcella nr. 6263 a Sumvitg-Giaretgas.

Sumvitg, 08-03-2019

*Cumissiun da baghegiar*

## ELECZIUNS COMMUNALAS 2019

### Demissiuns d'uffecis

Sin fundament d'art. 19 dalla lescha da votaziuns ed elecziuns han ils suandonts officials comunals inoltrau lur demissiun sin ils 31 da schaner:

#### a) Cumissiun da quen e gestiun

Cajacob Claudio, Cumpadials	president
Decurtins Rafael, Sumvitg	commember
Lutz Gion, Rabiun	commember

#### b) Cumissiun da baghegiar

Bundi Martin, Sumvitg	president
Flepp Felix, Surrein	commember

### Officials che han buca demissiunau

Ils suandonts officials han buca demissiunau e valan consequentamein sco proponi tenor art. 21 dalla lescha da votaziuns ed elecziuns:



**b) Cumissiun da meglieraziun**

Monn Martin, Sumvitg commember

**c) Cumissiun da cultura**

Solér Clau, Surrein commember  
Monn Gabriela, Sumvitg commembra

**d) Corporaziun casa da tgira Sutsassiala**

Monn Yvonne, Sumvitg commembra

Sumvitg, 08-03-2019

*Suprastonza communal Sumvitg*

## **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 08-03-2019

*Departament stradal*

## **Corporaziun Pistregns Surrein – informaziun**

Igl **1. da mars 2019** ei la Corporaziun Pistregns Surrein vegnida fundada dad otg interessents. Suenter l'approbaziun dallas statutas ein la suprastonza ed il revisur da quen vegni elegi. La radunonza generala dalla Corporaziun Pistregns Surrein ha decidiu:

- la surdada dalla parcella nr. 1482 (stan vegl) resp. 6485 (stan niev) cul pistregn da Reits ed il rest dalla facultad alla vischnaunca da Sumvitg,
- la surdada dalla parcella nr. 1242 cul pistregn da Plazzas Su ad Anton Bass, Surrein,
- la surdada dalla parcella nr. 752 digl anteriur pistregn da Plazzas alla vischnaunca da Sumvitg.

Suenter la liquidaziun da quellas fatschentas ei la Corporaziun Pistregns Surrein vegnida sliada.

## **Vischinadi Cumpadials**

### **Radunonza generala**

gievgia, ils **14 da mars 2019**, allas 20.00 en casa da scola Cumpadials  
Tractandas:

1. Beinvegni
2. Elecziun d'in dumbravuschs
3. Prelecziun dil protocol
4. Rendaquen e rapport dils revisurs
5. Nominaziun da candidats per las elecziuns Communalas
6. Discussiun e decisiun muntada/avegnir dil vischinadi
7. Varia

Cordialmein envida

*La suprastonza*

## Cumin da senioras e seniors

Invitaziun al cumin da senioras/seniors dallas vischnauncas Tujetsch, Mustér, Medel, Sumvitg, Trun, Breil/Brigels. L'idea ei da haver sper puschidas permanentas e regularas per senioras/seniors en mintga vischnaunca era pliras puschidas suls cunfins dallas vischnauncas, e quei mintgamai en in'otra vischnaunca. L'entschatta fagein: **gliendisdis, ils 25 da mars** allas 17.45 en halla Cons a Mustér cun la suandonta puschida gratuita:

- Referat d'Eveline Widmer-Schlumpf, anteriura cussegliera federala cul tema:
- «Lebensgestaltung nach der Pensionierung»
- Presentaziun d'ideas/puschidas per eventualas occurrenzas comunablas
- Aperitiv

## Buc emblidar da s'annunziar tier:

Administraziun communal, Via Cons 2  
Caum postal 57, 7180 Disentis/Mustér  
tel. 081 920 36 36, fax 081 920 36 37  
[admin@disentis.ch](mailto:admin@disentis.ch)

## Uniun samaritana Sumvitg-Trun

Nies proxim exercezi samaritan ha liug mardis, ils **12 da mars**, allas 20.00 a Sumvitg.

Tema: survigilonza d'in pazient.

Nus selegrein da seveser cun commembras e commembers. Era ulteriur/as interessadas ed interessai ein cordialmein beinvegni!

Amicabels salids

*la suprastonza*

## Casa s. Martin

La Casa s. Martin a Trun envida parents ed enconuschents da nossas cussadentas e nos cussadents sco era vischinas e vischins da lunsch e da maneivel all'usitada stiva da caffè. Ina vasta elecziun da bunas pettas ed autras bunas caussas ei garantida. Quei dumengia, ils 17 da mars 2019, naven dallas 14.00–17.00. Vossa viseta fagess plascher a cussadentas, cussadents e persunal.

Cordial envidan

*meinacasa e persunal*

## Apparat d'udida

**Gliendisdis, ils 18 da mars** 2019 saveis Vus schar schubergiar e rugalar Vies aparat d'udida:

09.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller surprendan comunablamein quei survetsch gratuit per tuts interessents. Ei drova negina annunzia.